


www.BibleForChildren.org


Matayo 26




Ni yaali
n'ebulayo
endaalo
mukaaga ko
Embaga
ey'Ohuhebuliriraho
Ohubihisya yoole, nga Yesu
atiina mu hibuga Bbesaniya,
eyi omusinde oyu
balanga baati Lazaalo
oyu galamusa, gamenyanga.



Ng'ango Malyamu
atusaayo ecupa ey'amafuta
amalanji ag'ebbeeyi obugali
era agahaloosa ah'amaani
aga balanga baati
narudo. Ng'agajuha hu
magulu ga Yesu ahena atambisa
efiiri lirye ohumusiimuula.
Ng'ahaloosa hahwana
enyumba yosiyosi.




Ng'ango Yuda Yisikaryoti, mulala hu beegi ba Yesu ehumi n'ababiri, atiina eyiri abatangirisi b'abasengi ba Hatonda, ni genda ohulya mu Yesu oluhwe bamunjambe.




Abasengi ni banjira ehi genda ohubaholera, nga
basangaala, era nga basuubisa ohumuŋa ebbeesa.
Ohuŋwa hulwo nga Yuda
atandiha ohwendula
ahamanga ahohuŋayo
Yesu eyi bali.



Ng'ango abeegi bahola ng'olu
Yesu gabaloma, era nga
bategeha Embaga
ey'Ohuhebuliriraho Ohubihisya.
Ni baali ni bahiirya nga Yesu
abugula omugaati geyaasa
Hatonda, ng'agubbongolamo
agunja abeegi babe abaloma
ati, "Munaanje mulye, guno
nj'omubiri
gwange."



Ng'ango abugula ehihopo
hy'envinyo ni gahena ohweyaasa
Hatonda, ng'abanga n'aloma ati,
“Mwesimwesi muhinyweho, gano
nj'amafugi gange aganahonjohe hu
lw'abangi olw'ohubasoninga ebibi ni
gahahasa endagaano epyaha eyi
Hatonda ali huhola n'abaatu babe.”



Ng'ango Yesu aloma ati, "Simooni, Simooni, Sitaani asungire Hatonda amufugiirire abasenyete hy'engaano. Aye kusabiiye ti otaŋwamo maani mu hufugiirira huhwo. Era n'olihena ohwebbwaga, ogumyanga abahyo." Aye gamuloma ati, "Musengwa, ese netegehire ohwingira ekomera ni neewe. Era netegehire ohufiira ŋalala ni neewe."




Nga Yesu amugobolamo ati, “Mu butuufu oweene kuloma ti mu hiire ehyene hino, engoho yinaabe yihiiri huholyoha ni wahanegaanira emirundi edatu.”



Ng'ango Yesu n'abeegi
babe boola mu hifo ehi
balanga baati
Gasesimane. Nga
Yesu abaloma ati,
"Muhole ni mwihala
n'ano, ese nesendehe
n'ala nombe Hatonda."
Ng'aloma ati, "Bbaabba,
ebiitu byosibyosi binangiha
eyi oli. Tuseho esaawa
yino ey'ohubonaabona.
Aye ewe ehi wenda hibe
nj'ehiholewa, sosi ehi ese
nenda."



Nga Yuda atiina mu ndimiro eyo n'atangiye ehibinja
hy'abasirikale n'abahuumi ba Yekaalu ab'abatangirisi
b'abasengi ba Hatonda n'Abafalisaayo
baatuma. Era baali banjambire etooki
n'etaala ko n'ebisoosa. Nga mulala
hu beegi babe atema hu
mwidu w'omuhulu w'abasengi
ba Hatonda ohutwi ohulungi.
Aye Yesu ng'abaloma ati,
“Mulehe!” Ng'anamba aya
batemire ohutwi hw'omwidu
oyo, amunonia.



Ng'ango banjamba Yesu, bamunjira ewomuhulu w'abasengi ba Hatonda. Peetero galondaho ni gesambireho ahanaaniro. Ne ni bahena ohunambya ehihoso mu lunya njagati nga beehala ohwota omuliro. Nga Peetero yeesi geehala ni nabo ohwota omuliro.




Ng'ango mulala hu beedu
b'omuhulu w'abasengi ba
Hatonda era mulebe
y'omusinde oyu Peetero
gatemaho ohutwi, amuhamiirisa
ati, "Sikubone n'oli ni naye mu
ndimiro y'emisaala emizayiti?" Nga
nindi Peetero gegaana era mu hiseera
ehyo ng'engoho yiholyoha.
Ng'ango Peetero atula ebulafu,
atemuha alira bugali weene.




Ng'ango abohu Luhiiho Olubbala mu
diini ly'Ehiyudaaya bosibosi
benyoha batangirisa Yesu bamunjira
ewa Pilaato. Ng'ango Pilaato
amubuusa ati, "Ndiwe
habaha w'Abayudaaya?"
Nga Yesu amugobolamo
ati, "Ng'olu oloma olwo."




Nga nindi Pilaato aloma n'abaatu
nabanjooyanjooya olw'ohwenda
ohulehula Yesu. Aye nibo
beyongera huhayaana baati,
“Muhomerere hu
musalabba,
muhomerere hu
musalabba!”




Ohwihahana, nga Pilaato abanja
Yesu baje bamuhomerere hu
musalabba. Ng'ango abasirikale
banamba Yesu bamunjira. Nga
bamujiira aña balanga baati,
“Ehifo Ehyahananga, mu
Lubbebbulaniya ehi balanga
baati Gologosa n'abbeedire
omusalabba gugwe.”



“Eyo peyi bahomerera Yesu hu
musalabba n’abasinde abandi babiri.
Mulala hu bo hu luda olw’omuhono
gwa Yesu omulungi,
n’owundi hu
mugooda.”



Ohunwa hu saawa ejo ohwola esaawa mwenda
ej'egulo, ng'ehiirema hinamba ehyalo hyosihyosi,
olwohuba eryuba lyasima. Olutimbe olwomu
Yekaalu nga ludweduhamo nabiri,
ohunwa namugulu ohwola
naasi. Nga Yesu alanga
n'ejanjaasi ery'amaani
ati, "Bbaabba, kunambya
obulamu wange!"
Ni gahena ohuloma
atyo, ng'afa.



Ŋaaliŋo ow'enono owahiihanga mu
Luhiiho lw'Abayudaaya Oluhulu,
ni bamulanga baati Yosefu
ow'e Alimataaya. Yosefu
ono gaali alindirira
ohuuja hw'obunugi
wa Hatonda.

Nga Yosefu
gesinga atiina eyiri
Pilaato amusunga
omulambo gwa
Yesu.



Ng'ango Yosefu agula olugoye
olulangi olwa laasi, ng'atusa
omulambo gwa Yesu hu
musalabba, agwambiha
mu lugoye olwo, aguta
mu higombe ehi baali
ni babajire
mwibaale mu
ngeri y'epungulu.

Ng'anjiringisya
ogubaale, gegalirango
omulyango ogwingira
mu higombe ehyo.




Ni wahya, lwali lwa Sabbaato
oludaalo lw'Abayudaaya
olw'ohunumuliraho,
ng'abatangirisi
b'abasengi
n'Abafalisaayo batiina
eyiri Pilaato.




Nga bamuloma baati, “Muhulu,
huhebulira omudulingi oyo
ni gaali n’ahiiri mulamu
galoma mbo n’alifa
nalibitango endaalo
edatu ng’alamuha.”
Ng’ango batiina bata
ahabonero hu
gubaale nga

balehango
abahuumi
ohuhuuma.



Oludaalo olwa Sabbaato ni
lubitire, nga mu mawiiwi hu
ludaalo oludaayi mu wiiki,
Malyamu Magadaleeni ni
Malyamu owundi batiina
hu higombe omu baali
ni bataaye
omulambo gwa
Yesu.




Ni boola eyo, ng'ango ni naango
nabaango musisi ow'amaani
olwohuba malayika wa
Musengwa ganwa mwigulu
gatiina hu higombe ehyo
ng'aniringisya ebaale
eryali namulyango
alitusaango,
ng'ahena


aliihalaho.
Abahuumi ni
bamubona, batya
bugali, bateetema
era nga bagwa
bafaho olweso.




Ng'ango malayika aloma abahasi abo
ati, "Mutatya, manyire ti
mwendula Yesu, oyu
bahomerera hu
musalabba. Ŋano
anjumaŋo, alamuhire
ng'olu galoma."




“Muuje mubone aya baali
ni bamutaaye, muhahase
konyo mutiine mangu,
mulomere abeegi babe
muuti; ‘Alamuhire era
atangiyemo atiina e
Galilaaya.’”



Ng'abahasi abo batula mangu banwa
hu higombe ni batiye aye ni bejuuye
esangaalo, nga baduluma batiina
balomere abeegi babe.



Ng'ango ni naango Yesu
ababonehera ng'abaloma ati,
“Emiyaaya jibe ni nenywe!” Nga
bamwigereraho bahubba
amafuha, bafuhumira amagulu
gage nga bamujumirya.



A simple, hand-drawn line in black ink, starting from the top left and curving towards the right, ending near the top right corner of the page.

Oluvanyuma, nga Yesu abonehera abeegi babe
ehumi namulala, ni behaaye ni balya. Ng'abanenya
olw'ohutafugiirira hwawe, n'olwobuhahanyafu
w'emyoyo jaawe, olwohuba sibehirisa bibono by'abo
abaali ni baamuweeneho n'ahenire ohulamuha. Yesu
Musengwa ni gahena ohuloma ni nabo, ng'anjiriwa
mwigulu, geehala hu luuyi olw'omuhono omulungi
ogwa Hatonda.



Hatonda ni gendire bugali abaatu,
gaṇayo Omwana wuwe omulala
wogobbo, ko hiisi amufugiirira
atahiiriha aye asune obulamu
obutanṅwaṅo.



Abarooma 3:23

olwohuba abaatu bosibosi babbengi mu moni ja Hatonda
era njanuma kadi mulala owolana n'enono lirye.

Abarooma 6:23

Ohufa nj'omuhemba ogubanja omuutu aholo ehibi, aye
obulamu obutanwano nj'ehirabo ehi Hatonda agaba
ohubita mu Yesu Kurisito Musengwa weefe.

Ababbebbulaniya 9:27

Ng'olu hiisi muutu ali n'ohufa omulundi omulala
oluvanyuma bamusalire omusango,



Abefeeso 2:8,9

Mwanonjoha olw'ehisasabirisi hihye olu mwamufugiirira,
olwohuba ohunonjoha simaani genywe aye hirabo hya
Hatonda. Hatonda sigabanonjola olw'ebikolwa byenywe
ebirani olw'ehyo njanume owepaahapaaha.

Abarooma 10:9,10

Singa waatula n'omunwa gugwo oti Yesu nje Musengwa
n'otayeho n'ohufugiirira mu mwoyo gugwo oti Hatonda
gamulamusa mu bafu, ononjoha. Olwohuba omuutu
afugiirira n'omwoyo gugwe ko bamubala ohuba
omugwalaafu era ohunonjoha, geyatulira n'omunwa gugwe
omwene ati anonjohire.



Yowaane 3:16,17

Hatonda ni gendire bugali abaatu, ganayo Omwana wuwe omulala wogobbo, ko hiisi amufugiirira atasihiiriha aye asune obulamu obutanwano. Olwohuba Hatonda sigatuma Mwana wuwe hu hyalo ohusalira abaatu omusango aye banonohe ni babita mu niye.

1 Yowaane 5:11-13

Hatonda aloma ati gaatunja obulamu obutanwano era hubusuna ohubita mu Mwana wuwe oyo. Hiisi muutu afugiirira Omwana wa Hatonda ali n'obulamu obutanwano, aye oyo atamufugiirira abunjuma. Pandiihira enywe abafugiirira muuti Yesu Mwana wa Hatonda mwahamanya muuti muli n'obulamu obutanwano.



Matayo 26-28; Luka 22-24; Yowaane 13-21

Storyline by: Edward D. Hughes

Illustrated by: Janie Forest
and Alastair Paterson

Adapted by: Lyn Doerksen

Nyole NT (nuj) © (Active), Wycliffe Bible Translators, Inc.
All rights reserved.

<https://live.bible.is/bible/NUJWBT/MAT/1>

©2026 Bible for Children, Inc.

www.M1914.org

www.bibleforchildren.org

